



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六四一

楊劍潭先生遺詩二卷 楊文照 撰

一

邵亭遺詩八卷 莫友芝 撰

四九

邵亭遺文八卷 莫友芝 撰

一二五

慎思居存稿二卷 湯 修 撰

一八九

守拙軒軍中雜稿一卷 守拙軒詩集三卷 海 保 撰

二一五

曾文正公詩集四卷 曾文正公文集四卷 曾國藩 撰

三九九

曾文正公奏稿三十六卷（卷一至卷八） 曾國藩 撰

五九九

楊劍潭先生遺詩

徐世昌

紫	中
江	華
朱	民
氏	國
校	戊
刊	辰

楊劍潭先生遺詩

楊劍潭先生傳略

先生諱文照字得天號劍潭別號芋庵貴州貴陽籍少孤露家故寒素節母教養以至成名肄業貴山書院博膏火以供菽水勉學精進曾以遊仙詩冠其曹爲善化賀耦耕中丞所激賞家居貴陽城南黔人有城南才子之目與外王父傳公青餘及何夢廬謝岐園同里同學道光甲辰又同舉於鄉偕赴春官紀行之什積成卷軸有北上聯吟集之輯先生長於傳公七歲以唐之香山微之近世之稚存淵如相況乙巳春同遊滇中有安甯州雲濤曹溪津邸三寺及安平邸岱花貢道中諸詩此行訪道問奇若有所遇澹勤室詩集中海禪歌及滇黔道中紀程之作可供印證未幾洪楊倡亂中原鼎沸傳公既通籍治兵豫中轉戰大河南北先生出入兵間關橐筆行李往還不廢吟詠

楊劍潭先生傳略

驛垣館壁題句稠疊今兩公集中尙歷歷可見也咸豐丙辰選授麻哈州學正時丁苗亂以阻兵不能往乃遊龍里及桐梓爲人佐幕黔中感事詩即作於此時同治癸亥秋日將南歸道中阻兵阻雨乃作趙河感舊詩以寄孤憤趙河者經行南北必由之地先生二十年來七試禮闈不第佗僚抑塞暨與傳公升沈離合之感無不於此詩見之已而留居傳公裕州戎幄甲子春館於南陽郡齋之來秋聲館課先慈姊弟讀先嚴亦從問字乙丑春將赴京師有梁園留別詩卷手錄留別諸弟子及諸弟子留別之作傳公亦加跋於後時已官內閣中書本擬收外適同鄉蘇餘嗜中丞鳳文撫桂招先生與偕丁卯八月改官廣西通判歲暮抵桂聞所如不偶需次數載卽歸道山

丁卯六月啟鈴既重刊外王父澹勤室詩乃發願輯

刊楊劍潭先生遺詩於黔中徧尋并無刊本陳庸庵尚書黔詩紀略後編所選祇二十餘首吾家所藏先生手寫卷册及先嚴所蓄詩箋詩册暨手鈔者凡百六十二首外舅森圃于公爲石雲老人勉之先生胞姪年逾八十以默記所得口授數十首及斷句并憶及壯年曾有辛鈔之册在里中敝篋不知存否姑馳書索之已不可得又屬于氏內弟涪生子勤昆仲於黔中故家廣爲蒐訪先生有第三女適于氏爲石雲子婦曾從遊嶺外檢諸遺篋得辛香館詩舊鈔本一册寄來并注明內有七律三十二首爲先生手書乃集中所無者今補錄之云云內有趙河感舊詩六首祇錄其半而無跋語又黔中感事詩祇有後十八首而無前九首蓋石雲與先生晚年交契甚密其奉懷石雲老人詩有論交同骨肉之

楊劍潭先生遺詩

語又重之以婚姻故于氏子姓誦習傳鈔視同手澤六十餘年猶留餘韻遺藁之存殆有天幸越明年又別寄一册來所收較少而次序較爲整飭似是後人應徵之選本合觀三藁互有詳略吾家所藏手藁如梁園留別詩卷湘江紅葉圖卷及諸箋册皆係墨蹟其署款有作劍曇劍曇玉安者但無入桂以後之作而來秋聲館諸詩又爲黔中兩册所未見詳審黔中兩册皆係展轉傳寫故於黔中感事詩及前後遊仙詩各有存佚而都人傳誦之鸚鵡簾櫳蝴蝶夢芭蕉情緒海棠心集句聯語乃於黔藁中見其全詩至趙河感舊詩則一不載而一佚其半意客中晚年之作里人轉不之知且足證以上諸藁皆非先生所手訂也今就諸藁分體彙編芟其繁複第其先後成辛香館詩一卷諸體之中以七律爲多

楊劍潭先生遺詩

審其命題輯其自注似於生平行蹟可得大凡至生卒年月就元白孫洪一段佳話及屈指西風一詩推之先生之生當在嘉慶辛未年九月又集中載咸豐庚申五十初度及同治丁卯入桂其年爲五十七歲不久下世然則先生之歿當在戊辰己巳以後享年六十以外矣再以全藁與澹勤室詩參互考證而先生之爲人殆可想見今別錄遊仙詩及紅葉樓碧城諸作成辛香館外集一卷而以梁園留別詩卷附錄於後先生詩名藉甚於咸同間又喜事神仙客中恆以乩咎自隨惟澹勤室詩集有索觀劍曇詩集之語先生詩卷亦云於辛香館集中編輯諸仙史詩藁云云中經流徙又遭焚劫迄不知原本遺落何所世變方棘日暮途遠姑就蒐集所得理董付刊他日儻得先生手定之藁固不敢以此自域

三

啟鈴無似不克繼先人之志事以延先生文學再傳之緒校刊既竟謹撰傳略一通并述先生與外王父及吾家先德淵源所自以志永感中華民國十七年歲在戊辰九月紫江朱啟鈴識

楊劍潭先生遺詩

芋香館集

貴陽楊文照

五古

和傅青餘夜步池上作

片雲結虛壁羣鳥各息巢涼意生衣袂池水澄中宵泠泠夜氣肅四望何清遠誰念此時心歸來天外遙暗香出草際疏雨當春潮澗谷杳深邃陽景迴松梢天高望不極空山同寂寥萬里路長隔歸隱疑可招相思永今夕微露霏紅蕉

甲秀樓

蒼茫南郭外江深搖空碧層樓俯中流浮嵐莽鬱積高與雲棧齊迴旋溪水隔蟲蟲插雲霄如可星辰摘攀陟據上游幽人性情適日月生窗牖微風翻鳥關漁磯波濤間虹

楊劍潭遺詩 芋香館集 五古

橋煙雨夕疑與庚公遊南樓集賓客俯仰此大觀望古意脉脉桃花白也詩杜若東之迹斜陽武襄祠衰草龍標驛涵碧亭亭峙雙柱銘功績點靈此毓秀峯似環千尺九點望齊州一角收虛白時有掃雲囊隱動煙霞癖秋水沐芙蓉春城攜蠟屐蔚然指深秀蒼蒼多松柏

再題甲秀樓

峭壁倒空影蒼茫凌碧落作勢入中流突兀矗飛閣富水鍾靈氣萬象恣磅礴芙蓉鎖暮愁春風香杜若涵碧釣鼈磯漁舟唱晚泊白晝魚梵靜清夜龍吟作名山半黔中六詔茲秀削排空起危樓風泉生絕壑綠樹藹蒼蒼斜陽淡城郭戰伐百年事豐功雙柱灼何如武襄侯濟火招戎幕歌詠樂太平萬家安耕鑿甲洗天地清浮翠輝丹雘激盪麗金波縹緲飛鵲鵲空山一聲磬驚起巢松鶴

楊劍潭先生遺詩

感懷

緬懷齊鮑叔能知管仲貧三北不爲怯仲也有老親人生貴知己何敢辭苦辛浮雲變須臾野馬逐飛塵蒼蒼松柏樹化爲棘與榛曠野生悲風古昔戀先民撫膺長太息嗒然喪其真

響琴峽

辭家事長征浮雲共朝暮故鄉好山水回首隔烟霧行役復行役不辨天涯路終日亂山間山勢相迴互忽然凌絕壁下有水奔注山高識水深低跨危橋渡幽險澄空碧傳聞靈物據蛟龍所窟宅巖泉亦爭赴石竇生玲瓏紆曲殺水怒雜以松風鳴古意了了悟拂石坐須臾窅然淡心慮江湖匯大觀溪澗自成趣口口隨所適歧途或窮步知音世所稀流連結欣慕有人在深密當抱林泉痼口口不欲出那得知其故我本山澤驪驅馬長安去遠懷德野溪重訪題名處當年五字詩能使勝迹著人家今幾年石花開無數仰視山中雲落日滿村樹

脫右齒 咸豐丁巳

疆圉大荒落月丑日丁巳辰起右牙脫輔車失所恃譬如梧桐落一葉報秋至越十日丙寅更脫右頤齒本根實先撥因此乃及彼失養在天君營衛亦委靡百病從口入因緣深腠理齒爲骨之餘乘虛相伏倚豈惟不固堅痛徹肌肉裏呻吟復呻吟神丹不能止傾欬離壳珠飄搖辭枝蕊戀戀有餘情盈虛感終始少壯曾幾時年華去如駛可惜好鬚眉積衰難自己憶我少年孤母心雜憂喜但願得成人恐不及見此相依爲性命今乃復如是三萬六千日何堪數以指祿養不可得筆耕資菽水奔走名利場侷促良

楊劍潭遺詩 芋香館集 五古

可恥願長守貧賤無缺供甘旨白髮斑斕衣古有老萊子
七古

邯鄲女兒曲

驢馬鄴城道飲酒邯鄲娼邯鄲女兒好顏色十三能歌雙
鳳鳳鳳鳳鳳鳳夜未央月明不明青天長年年楊柳自春
光明日繫馬知何處別酒一杯各斷腸

渡黃河

北風捲帆在渡河飛塵亂湧水橫波中流擊楫慷慨歌自
入中原平地多紫雲矗空光盪摩天上之水今如何茫茫
人世隔煙霧過河漸是還家路火雲百丈官柳樹大漠馬
嘶落日暮戰場開落花無數英雄名姓江山註流水切枯
黃沙奔青山一髮指崑崙烽火飛盡戰血痕誰擲金焦化
海門直下萬里泥沙渾南北中分一水存

楊劍潭詩集卷七古

江上晚眺

萬篙爭落汀沙圓斜日欲暮江生烟村燈飛起人家近船
隨波轉月不定天光四顧空青青時有逼岸魚龍腥出門
春初還秋暮西風江上楊柳樹

渡辰谿

江風吹水江波立落日黃沙蛟龍泣一江春漲繞江村舟
子停舟渡不得江流滾滾客愁多浮雲更起南山阿我欲
臨風吹鐵笛美人相望江心波天高地迥當奈何

題章蘭生種石圖二首

樽中有酒且高誦拍手四顧當奈何醉醒呼天問明月學
書學劍慷慨多前年我與章生遇玉質亭亭臨風樹自古
男兒有性情人間多少不平路年年風雨江千暮

芋香館裏秋中夕閉門無處尋行蹟一百年中小從容好

奇山人能種石石拙無枝春無花種石種根風沙沙我夢
游仙常騎石不知何處生紅霞祇今生公無恙耶

題章錫瑞三松鶴圖

種石山人石爲友石中築屋雲生牖拜石題詩詩不朽詩
成有客小從容潑墨爲寫龍鱗松石當呼丈松呼翁誰侍
翁者山中鶴松風吹醒鶴睡著相與慰藉石寂寥石作主
人松作賓石之玲瓏松精神鶴來同作座中人松更作主
鶴作客松之矍鑠鶴姿格點頭先有生石公樂莫樂兮新
相知佳賓佳主神仙姿松石山人當此時落放眼乾坤
衰眼前齷齪空餘子石交從此相終始松且勿化點睛龍
鶴且歸來西山峯雲根石上生芙蓉松鶴長年石花秀我
來攜酒當春盡願祝老親千萬壽

題張紹銘西麓泛湖圖

楊劍潭詩集卷七古

四

湖樹重重湖水深湖光千頃入愁心衣襟塵洗湖中水滿
船載酒湖波裏知君難忘湖上波曾聽風雨歌驪歌歸來
不種堤邊柳烟水蒼茫重回首一棹補寫倦遊人幸不再
染當年塵不識蘆荻瀟瀟夜更有幾人停橈者可惜有情
似君難畫裏移到故鄉看燕山綠遍東風早我亦驅馬長
安道與君少年爲弟昆愛讀奇書常閉門自從皇都學射
策寂寞又作天涯客君早還家无世緣爲君題詩心茫然
浮雲天際落無數人生不盡關山路

題何大夢廬風雪畫幀

盤空飛雪彤雲昏北風吹斷炊煙痕滿山風雪一老屋有
人踏雪來打門萬木摧枯亂草死梅花開徧雪花裏如此
天寒山更深豈復有路通城市年來我悔入山遲與君會
寫摩崖詩山中名姓無人知萬人如海掉頭時

西陽驛旅次書張仙集後

九光八色雲錦函華林洞主蒼龍驤五十三人同授錄先生來自南海南太王方平張三峯等海水萬頃波十丈枯槎中流相摩蕩濯足扶桑經幾回口口口落黔山上黔山日久石瓏玲先生高卧如蒼溟年年秋風桂花發先生桂先口口口香禮斗亭亭為先生所朝遊城市暮村落生所居日高真觀時與鄉人往世上人多殊寂寞邈過齊呼來多靈異事跡住無定處道士名為人稱先生西南插徧紅塵脚呂翁特地授青瓷更向火龍參本師丹爐藥鼎終多事別有木公記册時揮手重踏幽燕路人海浮沈隨烟霧先生入燕九重天子知姓名洪武永樂中從此家在蓬萊住記我詩名註蓬萊有蓬萊山頂註詩名七字小簪花格好會摩崖刻花主人印為判花主人所贈約書於石七年不作瓊樓夢先生見否石上苦悔我飄零失年少楓葉吳

楊劍潭遺詩卷七古

五

江空斜照謂青楓山寒偶和曼卿詩月明時聽孫登嘯自從人世暑酒徒酒酣夜坐讀陰符老子出關莊生死先生

去後復何如南來洞天第一山即中有當年先生

室無根樹上花正開無根樹詞皆先甲子願記花栽日我

來驛路隔重重登山看雲多奇峯橋頭滴盡瀟瀟雨夜雨

橋為平越勝景萬古雲山石上雖橋側有先生自摩立像

又自書神流宇宙四字

清平道中遇雪

山雪莽莽雪花癭老木僵死野草枯北風不動炊烟直黃昏日暮山城孤人家住處好村郭繞樹無定飛鳥鵲一塔擁出雲中山浮雲朵朵風吹落年來自識行路難風雲滿身天正寒學不成書當學劍男兒意氣羞長歎懷胸且買路旁酒時人難謝休揮手驅馬路到燕山塵緣滿兩行官道柳

楊劍潭先生遺詩

青溪舟中

前年打槳尋梅花一天飛雪風沙沙今年打槳江干暮花開猶記前年樹七年三看長安春滿衣襟上東風塵紅杏香中晴飛燕雁塔姓名曲江宴

下灘行

南人使船如使馬灘頭一篙來灘下溶溶水激浪花噴如箭離弦船奔瀉探篙劈水凝精神點篙崖上巧絕倫人趨下流船下水中流會不少遠巡下灘勿恃太容易一撒手時船拋棄泊船還泊灘上頭灘下原無好泊地

上灘行

停篙船上生愁歎下灘容易上灘難緯繩十丈如雲瑞猱升蛇伏路曲盤朝發灘頭暮灘尾上灘下灘隔尺咫尺下灘船去十里餘上灘船行將一里中流驚浪轟如雷灘中急

楊劍潭遺詩卷七古

六

進休徘徊請看用盡推移力解纜從容灘上來

海溪諸

前年太守胡今年太守朱前年殺賊賊勢孤今年殺賊賊胆粗賊勢孤太守胡賊胆粗太守朱吁嗟乎前年太守胡同心秦軍府今年太守朱長官喬巡撫

題某抱琴畫冊

天清地曠飛塵埃青空獨立心顏開騎風如馬遊蓬萊波光雲影相徘徊故人不見成連子枯槎直渡夷水知音容易稱心難登山謝人從此始我將揮手圖畫裏

醉歌

百尺高樓酒一斗把酒望天呼否否天涯到處歌驪歌春風綠盡長堤柳柳花飛捲亂浮雲我起酌雲一杯酒雲如人醉風扶來欹斜旋轉拖山走山推雲出山自歸山泉盡

洗山塵垢安得如鏡明月明從空來照山前後我記月是我前生我將大醉一招手

春夜曲

春風吹花使花舞春風散作催花鼓春月照將花影來花影月影相徘徊風來如助花歡譁月來如慰花寂寞年年春月復春風樹樹花開風月中風中花枝月中影爐中香篆杯中茗寂寂闌干春正深夜涼兀坐花之陰花枝花影好風月有人花底訴離別

游雲濤寺

安甯州城北十五里

天上看雲如看水一波未平一波起雲忽墮地結作石地上看雲亦如此石洞崩摧合虛空雲來作巢石當中年深日久洶雲氣平地往往號天風天風百丈一片石小憩復能蕩心魄何能乘雲石上來長嘯一聲風雨夕

游曹溪寺

安甯州城北十五里

故鄉遠望遮雲樹亂煙衰草斜日暮山中高樓深復深破愁來問螳川渡螳川漲滿新水渾三家五家水上村野樹週遭無路入忽迫人面開寺門石壇陸離生空翠一徑紆曲復幽邃苔點如斑薺如文可惜不見神仙字頻年記載走風塵七度看花春明春誰知五華山上月更照倦游天際人到處踪跡感飄泊但逢山水思行脚本師歸去古先生從此好山皆寂寞山風吹雨山草香聲聲口上佛龕傍自愛看山忘作客搔首獨立空蒼蒼

游津邱寺

安甯州城北三里

亂樹如波時出沒一閣波心湧突兀閣中人似浮空來綠天坐處雲爲窟四顧蒼茫空野烟心欲奮飛悲遠天積雨連朝忽復晴山光樹色爭新鮮坐久不覺微風颺溼翠吹

落衣襟上天涯到處感浮塵片時落落殊情曠最高山處生紫霞只多野樹無人家佛龕飛起雙蝙蝠黃昏開盡幽巖花巖上雲飛斜日暮滿山細雨人歸去城邊立馬重回首蒼蒼垂盡烟中樹

寄顏四

顏七亮才字建侯

洸生古貌頎而臞雞羣獨鶴立中衢天上不見長爪郎屈指人世十年餘今之後身毋乃是離齋可恥千肥軀建侯十八小弱弟羞與小兒同鄉里前身生從五門來夜火讀書空山裏定遠不作老書生子房真如好女子與我相逢皆少年東風濁酒山花前萬樹鋪成綠雲錦舉杯一笑凌飛仙搔首問天人何處平原莽莽落日圓酒酣斫地同起舞座上揚州何水部八百餘處神仙奇十二萬年上下古別有生平一瓣香書生封拜蓉城主天風吹我落五華滿地明月各天涯諸君記我還家日秋水微波開夢花心飛不盡十千丈西南遠天生紅霞

題聞人先生畫像詩爲于五蔚生作

咸豐甲寅花朝

青天作樓雲作庵圓靈寶鏡明月龕化身琉璃玉龍驂紅塵插脚殊難堪老子西去莊生作先生來自南海南先生居住蓬萊殿頻年游戲東南徧下邳夜半尋孺子長安落日逢曼倩冰雪彌天北風寒我與先生初識面先生幸作太平人鑲子骨節玉精神天於先生難位置不將名姓到風塵身後曾著封禪草師事吳門梅子真離齋早已塵囂厭封拜還辭芙蓉豔男兒竟少封侯骨殺賊未了平生念閭閻不拜鬼諸侯夜靜時揮橫磨劍詩樓閒話經幾時甲乙伯仲吹壘篋無聊乃闢神仙局自認釋迦參本師平臺紅滿青楓樹先生曾許心相知遠隔天涯近尺咫客本陰

符鬼谷子同是傷心百年身何處從頭廿一史先生死後
得長生到我生時先生死賣藥城中病頭陀讀書識字憂
患多登山揮手謝時人罡風吹落塵海波世無元亮武陵
源誰築康節安樂窩獨立空青一片石白雲來往無形迹
如此天地好穹廬誰與主人數晨夕有酒須醉十萬年先
生嘉賓我佳客更招故人天際來三神山上金銀臺西下
流沙東逝水蟠桃開落今幾回浮雲須臾變蒼狗局外誰
識天心哀寂寂闌干看北斗骷髏莫洗乾坤垢愁絲萬縷
繡先生題詩大書弟子某更索于生開笑口同壽先生百
花酒

春城送別圖爲蔚生阿弟銘之二弟作

老樹蒼茫山縱橫春波江上春天晴他鄉月照故鄉明從
此天涯聽春聲橋頭立馬行人行不盡關山路東風

楊劍潭遺詩手書集 七古 九

回首江千樹萬人如海春飛渡相思如夢醒何處南叫鷓
鴒北杜杜佳驪歌一曲酒難溫有人山樓深閉門謂蔚生浮雲
吹落江千樹作詩滿囊酒滿樽三生石上舊精魂成我亦
天涯流落者十年燕趙曾驅馬請君爲我傾三雅書我姓
名春山下登山送春春歸也

五律

甲秀樓紀功雙鐵柱

江水去滔滔將軍舊節旄凌空雙鐵柱閱世幾秋濤斜月
邊城晚浮雲戰壘高祠堂誰麥飯老樹夜烏號

答青餘見贈詩二首

名姓入世早獨游殊從容與子生相知稱心危處同寒天
倚星斗空如酣笙鐘努力與良時盛年多感中

藏書三萬卷口難失少年素念託明月無聊稱遊仙煮酒

楊劍潭先生遺詩

當風雨彈鋏入幽燕孤帆海上來遲君楓樹前
雨後遊觀風臺

亂草碧如烟晴光落眼前寺門緣路轉河勢抱山圓密樹
多藏雨新秧半插田斷霞飛一縷緩緩上遙天

楊老城

此地經開鑿承平二百年居山原少路積水自成田野火
孤村市荒城亂草烟臘梅三五樹開徧玉峯前玄玉峯即舊城址

過南城山寺懷老友吳岩翁

一雁隨雲過迢迢望碧峯西風殘葉路疎雨破樓鐘劫重
灰難盡愁深酒不濃如何楓樹岸隔斷水重重

十二月十日北上尹二蘊阜徐大誠齋何大夢廬攜

酒餞別於圖雲閣作留別詩

催進杯中酒長歌遠別離平心名可畏閱世路多歧風雪

楊劍潭遺詩手書集 五律 十

停鞭處鄉關入夢時請看橋畔岸何處不天涯

南山

香篆碧沉沉黃昏雨滿林西風生白髮落葉碎秋心斷夢
殘燈續疎簾細雨深南山何處問雲水萬重陰

謁楊文襄公墓

罷歸天下惜華表亂松間鵬鳥何時至春花盡日閑功名
賢相錄祠墓故鄉山尚有前朝樹寒雲自往還

棗林曉行

百里走京華燈遙影半遮垂楊衣上露殘月馬頭沙樹色
行宮曉城陰土口斜勢勢何所事春盡未停車

石固驛曉行

微辨樹成行紛紛馬足忙殘燈孤店夢寒柝滿城霜兵氣
銷沙磧神功溯禹王有禹王城爲燕山今古月照徧道塗禹鎮蛟處

長

出都

飲馬桑乾水迢迢路七千醉歌燕市月殘夢剗門煙事業
愁雙鬢關河失壯年斜陽村店柳青到戍樓邊

呂堰驛謁王公祠公諱翼孫江蘇長洲人爲驛巡檢
官嘉慶初死教匪之亂洪雅存爲
之作神道表
載文集中

驛路望漫漫黃沙白晝寒紀功碑滅字埋骨水生瀾麥飯
荒烟晚燐花廢壘寬北江留一傳未死識公難

易隆道中

莽莽長風裏沙塵作雨飛梨花晴帶暈松樹午成圍紫霧
羣山晚紅泥敗草霏黃昏輕燕子知向舊巢歸

到家

暫息長途苦西風送我還且將今日酒先慰老親顏亂世

楊劉運道詩集卷五律

貧偏樂無才夢轉閒果能塵事少閉戶亦深山

感事

從來顏色好不爲餌丹砂一錯終難鑄浮生未有涯眼前
新歲月衣上舊塵沙誰解庸心苦眞成畫足蛇

王晉階明府約至桐梓因領學正文憑例不得往

不待談成敗調停感故人書生謀事拙烽火逐年新識字
多憂患平心足苦辛微名空一笑翻作蘭蠶身

北上前一夕作

北斗重霄迥邊風萬里寒縫衣鍼力倦燒燭酒杯寬詩卷
愁中補名心淡處難樓頭明月夜從此數征鞍

宿順林驛

傍晚停征轡寒風捲地粗繁霜欺綠鬢簪酒熟紅爐花信
先春到鐘聲入夜孤催人無限事曉色問前途

清鎮旅次

烏鷄暮雲橫依山築縣城落霞收雨氣斜日走江聲書劍
長爲客東南正用兵澆胸還煮酒一醉惜春晴

玉溪夜泊

此地故鄉水孤舟今夜情江流三楚潤日照五溪明霜柝
荒村路風鈴遠寺聲羈愁兼別恨齊向靜中生

懷妹婿黃生

聞子成名早文章喜受知善思慈母意努力少年時門祚
樸衰薄關河感別離燕山雲起處望遠各天涯

一紙平安語書成淚未乾經年別弟妹萬里獨艱難歸夢
故鄉遠征衣秋夜寒遙知明月下飛雁影同看

遊來鶴軒

暫息微塵念園林復有情岫雲蒸石氣水碓落溪聲芳草

楊劉運道詩集卷五律

如人意奇花選樹生洞門仙筆在何處是神清

贈張芝麓

岐路逢君晚浮塵積滿襟友朋今日意骨肉異鄉心作客
愁中老論交澹處深名場無限事一樣感升沉

寄樊萼樓明府

紅葉山城晚邊風入夜麤論文文字貴閱世性情孤勾漏
懷仙令高陽問酒徒且蘭官閣裏梅樹看花無

婁山關

天險分黔蜀曾經築將壇殺機成敗定武備古今難劫火
倉黃起九泥破碎看亂山愁立馬陰雨夕漫漫

游來仙閣

新綠環高閣人來午正晴看花春自好得氣鳥先鳴黃鶴
餘仙迹青猿聽梵聲遠山圖畫裏幾點翠痕生

別袁穉巖表弟

結交同骨肉別去各風塵
京邸三年客嚴關萬里人
深心情轉歎舊事話來新
相見知何日爲歡慰苦辛

靜夜

骨警驗晴陰西風老樹林
鈴僧寺遠霜柝縣門深
凌雜難成夢遲疑自累心
修名何處問息影羨歸禽

感懷

無奈託游仙傷心積歲年
曉霜楓葉岸細雨菊花天
秋淨痕難覓愁空夢不圓
勞勞多少事寂寞酒樽前

夜坐

起坐還欹枕燈微影欲沈
事前無定想身外有歸心
夜月空今古明河自淺深
懷人天際遠寂寞肯來尋

夢

是我還非我他生亦此生
吉凶惟影響人鬼不分明
睡味餘燈施涼痕度雨聲
虛空誰打碎天際碧無情

春霽

新霽書雲物逢人祝瑞年
沙蟲銷劫外禽鳥識機先
花樹春風影山城細雨天
臘梅村釀熟一醉託游仙

春酌示朱梓泉

同治乙丑南陽館中

暫得息風塵從容對曉春
詩懷無事擾酒味隔年新
回憶天涯感重憐座上身
眼前真樂在何必諱清貧

戊辰元日

嶺嶠逢元日離家已七年
友朋同骨肉仕宦各因緣
柏酒驂鸞客松花飼鶴天
南山頻問訊歸夢幾時圓

芋香館感舊

閣子晨玲瓏鑪香火正融
詩情三島外天色五雲中
晴雪

楊劍潭先生遺詩

梅花夢仙舫玉殿風黃昏
催寂寞幾度海波空

玉屏縣晚泊

一路寒鴉影危樓出縣城
孤舟殘雪岸春市隔江聲
水落巖難急山藏野火明
梅花開滿樹樽酒故鄉情

七律

次界亭驛

浮塵衣上竟如何天際閒雲眼底過
村郭人家豐歲酒溪橋烟雨夕陽波
江環邊地英雄老山入中原戰壘多
爲問桃花源裏路爛船洲外幾漁蓑

讀南史

南來山色曉蒼蒼亂草鋪青作戰場
六代王靈沈白馬百年閨運厄黃楊
權收金鼓銷春夢浪擲江山換醉鄉
才子幾人全姓字可曾迴首問興亡

懷人

西風匹馬憶幽燕愁絕絕空山聽杜鵑
春夢半生蘇內翰罪言當世杜樊川
每思痛飲橫磨劍直欲續騷一問天
寂寞詩龕深夜靜晨星幾點月孤圓

襄城道中

天際涼雲眼底收一樽濁酒伴春愁
桃花斜日孤村市場柳微風小戍樓
驛館自飛新燕子戰場多傍古中州
勞勞銷盡輪蹄鐵獨對燕山月半鉤

宿琉璃室別墅

北馬南船感不崇頻年人海聽浮沈
平分醒醉樽中酒別有歡愁夢裏心
斜月寒蛩聞夜靜涼雲歸雁識秋深
詩龕何處重回首孤負靈巖老樹陰

春初雜感

東風吹綠滿蕪城，聽盡林梢細雨聲。一日陰晴孤客館，百年身世幾棋枰。栽花露薄香難住，卧病愁多夢易成。極目闌干看北斗，勞勞未了是浮生。

卅年心迹付春燈，拍遍欄杆十二層。月轉山樓雲乍歛，花開梅樹酒初冰。殘魂歌哭盟烟水，歧路艱難憶友朋。到處尋人成醉夢，前身梅是定中僧。

如錦花開酒正溫，一庭芳草小重門。焚香簾靜難爲夢，垂柳樓高易斷魂。熟睡青鸞空碧落，斜飛紫燕自黃昏。閒苔寂寞無人迹，蘼滿蒼蒼石上根。

小院無情翠作圍，輕寒氣候試春衣。水生曲沼魚兒淺，草長閒庭燕子肥。細雨樓中催夢醒，孤雲天際擁山飛。年年花落春如海，不信東風喚得歸。

春興

楊劍潭遺詩 辛酉稿集 七律 十五

欄杆倚徧小亭東，詩思全歸二月中。芳草池塘深夜雨，海棠簾幙半樓風。蕉心愁重難抽綠，花眼春酣欲倦紅。可惜平蕪無處問，酒闌應見絮攲空。

游飛雲巖

鍊骨年年問九環，金銀臺在碧虛間。浪傳天上原無路，不信雲中尚有山。孤壑分泉飛玉髓，斷崖懸樹剝銅斑。題詩依樣留名姓，知是曇花照我還。

初夏登甲秀樓

鼇磯灣下水，淙洞坐久涼。生石上苔草色綠，從春後長山光青。向雨中來，平心煮茗觀棋局。放眼吟詩付酒杯，蝙蝠似知岑寂味，黃昏飛過講經臺。

青餘贈詩以唐之元白國朝之孫洪相勗蓋文照先

七年生如香山於微之釋存於淵如也不敢不勉

依韻和之兼寄何鼎夢廬

攪懷風雨是深秋，各帶前生一段愁。十萬峯巒消眼底，五十年事數心頭。詩龕高處同閒話，人海中間幾壯游。塞外孤帆江上樹，定名須記蓋棺收。

附原作

唐之元白香山長微之七歲，近世孫洪稹存長洲如七歲。楊大與余亦然。諸先生名位學問不敢方而青，餘年來各自愛惜之心，或庶幾焉。因作詩勗楊大且今年少如元如孫者，亦得借以自勵云。

大江東去月西流，攜手人天作浪遊。先我七年經小謫，輸君一世解長愁。閒中風雨青蛇老，醉裏乾坤綠鬢秋。漫說雄才同往哲，男兒三十未封侯。

束青餘

楊劍潭遺詩 辛酉稿集 七律 十六

連番花信雨陰陰，十二迴欄萬里心。湖海殘魂詩卷老，燕雲舊事酒痕深。藏山字古書難蝕，斫地光寒劍不沈。記得玉丹樓上語，姓名愛借到楓林。

海上黃雲夜泊船，醉彈孤劍浪連天。著書白日思名士，立馬秋風惜壯年。星斗闌干山館外，關河迢遞酒樽前。知音也感平生事，聽雨樓高應不眠。

游翠微閣

雙橋低跨浪中分，斜倚欄杆酒正醺。山頂晴收夕澗雨，水心涼沁隔溪雲。石龕燈火留仙跡，鐵柱功名洗瘴氛。恨我南歸歸未得，楓林落葉亂紛紛。

下第南歸

楊花飛盡雨如絲，策馬南游四月時。入世先愁千載後，讀書深悔十年遲。山莊未結浮生夢，旅館重尋斷句詩。想到

西樓明月好關河夜夜數歸期

南陽道中

參差野樹古層樓南望平岡最上頭大地江山開北面入
方風雨會中州戰場花落孤城遠沙磧霜飛萬馬秋碑側
無從尋舊事遙天青處斷雲留

襄城曉行

聽盡鷄聲又柝聲披衣無奈上遊程春風旅店人重到
詩尙存斜月寒沙路不平夢醒還鄉思骨肉詩留題壁記
陰晴七年三入燕山道敢信浮沈定此生

夜渡黃河

咸豐癸丑
五更風露放舟行車馬勞勞愧此生鵲漢涼雲多化水龍
門濁浪正飛聲江山蒼莽開中土星斗高寒指上清十載
升沈無限事不知何處問君平

楊劍潭遺詩辛酉集卷七

飲馬黃河夜未央迢迢鞭影指蒼茫天涯作客多芳草遊
子思家有綠楊十載浮名春店酒五更殘夢戍樓霜年來
到處輕離別一爲東風憶故鄉

清水湖舟次

晴霞一抹映深紅蘆葦叢叢水正中楊柳香籠三里霧鯉
魚波起半湖風病餘酒味添疎放畫裏詩情入遠空若許
結茅溪上住釣竿長繫碧絲筒

山塘道中

斷萍飛絮各天涯慚愧蓬壺問劫沙磨劍十年愁作客看
山一路好還家野橋分水圓村郭細雨生香上稻花料得
故園清晝永藤蘿陰透綠窗紗

感舊詩答傳青餘

舊歲清明第二宵聯詩同祭野溪橋何時斫地理香骨從

楊劍潭先生遺詩

此傷心聽玉簫飛絮風微空照影落花水淺不生潮天涯
更有相思路愁對青青柳萬條

清明郊行有作

濁醪小醉破愁城水色山光一味清積雨花心迷睡蝶留
雲樹底養春鶯眼看風月銷金粉夢入樓臺似玉京可惜
南湖十里路無人同聽鷓鴣聲

厚齋贈詩依韻和之

升沉難問竟如何十載名場感逝波紅豆樓人詩卷少青
衫作客酒痕多東風瓊島餘春夢落日金臺幾醉歌愁絕
桑乾河畔柳蕭疎不似在靈和

春郊祀社公同何夢廬作

山光樹色最玲瓏舊事頻催酒盞空香草詩懷仙閣外科
陽人影水聲中濃春城郭迷鶯燕佳日清明亂雨風記取

楊劍潭遺詩辛酉集卷七

今年桑柘好青陰直過小橋東

卽俗道中

亂峯爭起欲凌天苔點層層石暈圓雲定冷含終日雨人
來劃破一行烟蟠根樹險無棲鳥滴水崖深作響泉二百
餘年留戰壘銘碑直似勒燕然

花貢道中

山行竟日雨淒淒到處浮踪認雪泥綠霧粘天松葉徑黃
雲鋪地菜花畦臘梅野店開春囊叢竹疏籬睡午鷄一縷
烟痕吹不斷春聲隱隱出林西

遺愁

天涯浪跡聽浮沈濁酒痕多欲滿襟連日陰晴知病骨頻
年離別損名心涼雲歸雁驚秋早疎雨寒蛩伴夜深萬縷
愁絲還密補井州快剪最難尋

秋夜大悲禪室中作

織盡愁心萬縷絲，澹無言處只相思。涼生暗壁兼螢度，秋入明河有雁知。微病鄉懷常似醉，閒情禪味欲刪詩。圓靈照遍空青影，一樣家山月上時。

四十初度

七字題名署散仙，蓬萊許結看山緣。更無苦處還如我，但不愁時便上天。詩館涼雲同月靜，花城清露點秋圓。辨香閒話逢今日，小別前生四十年。

閏八月初九日袁錫臣招集璣玉亭爲借重陽之會

同人分韻賦詩 咸豐辛亥

天香滿樹酒盈卮，當作茱萸照鬢絲。收拾雲山陪小飲，平分風雨慰相思。除將白露秋無迹，想到黃花瘦可知。九十三朝彭澤令，紀年何似義熙時。

大佛岩晚泊舟中閒話

楊劍潭遺詩 辛酉集 七律

五

江湖滿地認他鄉，鑄鐵還攜舊劍囊。燕市悲歌狂縱酒，詩樓秋雨記聯床。魚龍澤國生風浪，烽火蠻山話戰場。果是太平豐歲好，輕舟一路野梅香。

洪江舟中

積水浮腥亂泊船，人家卓午散炊煙。魚鹽爭地先春市，風雪驚心細雨天。極目遠山多入畫，遙聞萬馬正防邊。歡聲驛路成豐歲，臘鼓村中樹影圓。

清溪舟中懷顏四

建侯 兄弟

即答其贈別

之作兼寄于五蔚生

梅花驛路雨如絲，濁酒樽前一卷詩。回首故園憑夢到，論交塵海許心知。樓霞春草空亭外，落日寒江晚泊時。照影半香山館裏，月明攜手最相思。

強寫名心下筆難，遙遙兩字寄平安。與君歧路聯兄弟，爲我高堂視暖寒。北地雁歸南地望，故鄉月在異鄉看。少孤一樣傷零落，珍重藏書尚未殘。

發武陵

棄馬乘船雙葉輕，客來語我鄉中聲。秋逢月午夢常好，路入仙源山有情。深竹暗烟石壁穩，垂楊疎雨江沙晴。年年洲外自青草，何處桃花溪口生。

自山塘驛至溧陽山行得詩二首

縱橫石磴草萋萋，山有奇峰路不齊。滿地綠陰孤壑暝，極天青暈亂雲低。西風落木巢餓鳥，驟雨斜陽飲渴蜩。聞說近來豐歲好，村中蘆管遍桑畦。

重重翠綠上衣襟，十日棲遲得茂林。破屋穿崖懸樹頂，飛泉帶石落江心。荒烟斷岸西風早，敗葉疎蘿細雨深。南望故園頻繫馬，天涯雲氣自陰陰。

楊劍潭遺詩 辛酉集 七律

五

遊東山寺

浮雲天際鎖重重，秋色平分酒正濃。滿地黃花詩館雨，一山紅葉寺樓鐘。崖崖深自古藏書，稿泉冷何人淬劍鋒。閒坐偶當斜月上，光明影裏是中峯。

登棲霞山高處

浮光收盡碧天閒，坐定先傾濁酒杯。密樹藏雲生暗雨，危崖墜石響晴雷。一關自擬松間閉，四顧渾如海上來。近得觀人平等法，滿城烟火好樓臺。

夜坐

閉門多少卽山居，已到中年萬念虛。簾靜香痕收雨後，夜深涼味入燈餘。世無東老難除酒案，有南華好讀書何日。時人能盡謝天台採藥一攜鋤。

自笑

自笑頻年一廢才柴門不向嫌中開編籬偶廣移花補種
竹初成待雨來雲揭遠山留墨本月沿曲徑印蒼苔眼前
無限關心事付與澆愁酒數杯

金紫根以趙方山牡丹畫幀囑題

梅花一樹相公亭驅馬燕雲兩度經山館夢同人乍靜書
樓春到畫通靈逢君夜話當風雨笑我狂吟自醉醒豔福
能修須記取天香小院最瓏玲

翠微閣獨酌

小閣玲瓏少俗氛春愁留伴酒微醺樹環曲路迴風力岸
繞圓沙帶雨紋垂柳人家多近水深山石氣自成雲闌干
倚徧莎汀晚隱隱鐘魚殿角聞

秋思

楊劍潭遺詩手香集 七律

三

一層涼信一層陰一片纏綿一片心花裏藥香詩館靜月
中人影繡簾深愁如仙夢痕難覓秋化銀河浪不沈感我
停雲天際想西風吹過好園林

清涼消盡亂塵沙北斗闌干漢岸斜秋淨極天將白露月
明滿地有黃花他生此日應非我今夕前年最憶家聞說
南山山頂上故人先爲種胡麻

安平道中

衣襟未洗舊年塵又作天涯不繫身容易感懷因中酒最
難爲客是初春蘆笙跳月潭如醉罌粟連山莫療貧此地
重來稱沃土幾人撫字暗傷神

道中感懷

陸行車馬水行舟人海中問作壯遊名士從來羞畫餅書
生曾見幾封侯少陵廣廈非茅屋宗慈長風豈石尤慚愧

楊劍潭先生遺詩

春華雙鬢影果然福慧要前修

下第還家答夢廬

春明催馬最相思身世勞勞記別離客路還家三月夢仙
山雲水十年詩青楓樹冷空江裏紅葉樓深細雨時攜手
難堪閒話處河橋秋柳盡成絲

保定道中

春明憔悴向東風輪鐵銷磨驛路中宛洛七年頻駐馬燕
雲萬里自飛鴻看花縱酒催鄉夢斫地長歌說戰功搔首
平原還北望西山烟樹雨濛濛

博望驛曉發

催送雙輪不暫停柝聲猶似夜中聽村雞初動楊花白塞
雁將歸夢地青春夢影離成短劫戰塲沙捲帶餘腥前年
策馬南陽道記讀陰符一卷經

楊劍潭遺詩手香集 七律

三

入滇

山光海氣兩模糊莽莽滇雲捲地羣萬井晴烟春日暖一
樽濁酒壯懷孤塵沙驛路空城郭風雨關河舊戰圖欲問
升沉無限事何人賣卜在成都

登太極閣 在安甯州

重重村郭影參差縱目樓頭酒一危雲氣埋山斜露頂風
聲折樹倒垂枝野花亂塚棲鳥後落日平原試馬時我自
有心閒不得醉中殘夢客中詩

客至談迤西形勢作詩記之

點蒼盤亘接闡滄聞說當時舊戰塲江洗瘴烟波盡黑山
經兵火草先黃百年將略開蒙段終古天威祀武鄉留得
西南多曠土蠻花一路塞垣長

十二月二十四日至清平驛距貴陽僅二百餘里不

得至家度歲感甚 咸豐癸丑

燈前兩地數歸期臘酒香浮正熟時生世無才休問命還
家有路不嫌遲寒消驛館春初到冷入梅花雪未知漫說
故鄉千萬里計程一步亦天涯

除夕至酉陽驛

北馬南船路七千故鄉雲樹酒樽前向平兒女看今日羅
隱功名誤壯年世外悲歡彈鐵鏡閨中疑信卜金錢遙知
老母天涯夢一樣歸來海岸邊

甲寅春正自北道還家偕建侯謁南將軍祠話大河

南北被兵近事時江南用兵亦數年矣語竟得詩
層樓北望雨濛濛大樹山城夜嘯風偶聽鼓聲思將帥曾
經戰壘弔沙蟲於今破賊無天幸終古防邊有鬼雄 明季
圍貴陽城危甚見將軍立馬而退不知爲將軍也稱黑
土人德而祀之考將軍長君承嗣爲夢新園練使有惠政

士人爲立祠並祀將軍於堂以長君木主侍於側子馬叢祠
季始也今尙將軍像於堂以長君木主侍於側

曉春

歲序催人又曉春晴天雲物健精神功名遲暮看雙鬢男
女團圓壽老親祿養無方思富貴時危多難羨清貧南山
近日東風早應有紅梅滿樹新

南歸雜感 咸豐甲寅

浪迹頻年水上鳬無從問卜向成都濃春花樹愁風雨落
日山城聽鬼狐自愧才非所養卒何時祿視下農夫一樽
酒熟還呼醉悔不編茅早結廬

準擬西山叱犢行桃花滿樹事春耕羲皇歲月陶元亮兒
女情懷向子平名士新亭誰努力將軍橫海正團兵無才
終是還家好鬚髮條條愧此生

辛香館中作

梅花香靜雪晴時廿四番風次第知佳日從容宜小飲故
人持贈有相思碧雲仙館三更夢紅樹春山一卷詩遊子
還家無限好幾年留滯在天涯

春陰

輕陰疊疊畫難真風靜垂簾燕子新柳絮化雲春化水桃
花如雨夢如塵明星遙夜看南斗濁酒空山哭古人四十
年華雙鬢影不聽杜宇也傷神

紅葉樓中作

惆悵西風酒漫斟從頭數偏好園林相思滿地人間倚小
飲重樓夜易深河漢涼雲飛雁影豆棚蔬雨病蛩心花前
恰是春歸去接葉何時補綠陰

曉起

東風無奈太慙生聽到鄰鐘又六更別院鳥聲天欲曙小
欄花氣雨初晴懷人池館多芳草感夢樓臺有玉京飛起
營巢新燕子呢喃學語過簾旌

愁心

愁心無那妙如環感舊詩多補又刪三斗俗塵書劍外五
更涼夢水雲間花看別院春風早草長空亭細雨閒難得
向平容易事一經揮手便游山

登棲霞山

一樹冬青接翠微疎林重訪舊禪扉簾枝斜挂穿僧笠香
篆輕搖上佛衣畫靜餘風松子落春深細雨石花肥如何
七字留仙蹟華表年年鶴未歸

遊山寺

霏香雜樹好園林絕少浮塵半點侵幡影棋聲僧院靜爐